



3.

AVREA BVLLA KAROLI IIII.

ROM. IMPERATORIS:

Ex archiuo Illustrissimi Princ.
Electoris Palatini.

*Omnipotens eterne Deus, spes unica Mundi,
Qui celi fabricator ades, qui conditor orbis,
Tu populi memor esto tui: sic mitis ab alto
Prospice, ne gressum faciat ubi regnat Erinis,
Imperat Allecto, leges dictante Megera:
Sed potius virtute tui, quem diligis, huius
Cesaris insignis Karoli, Deus alme ministra
Vt valeat, ductore pio per amena virecta
Florentum semper nemorum sedesq, beatas,
Ad latices intrare pios, ubi semina vite
Diuinis animantur aquis, ac fonte superno
Letificata seges spinis mundatur ademptis,
Vt mensis queat esse Dei, mercisq, future
Maxima centenum cumulare per orrea fructum.*



HEIDELBERGÆ, ANNO MDXCIIII.

[A V R E Æ B V L L Æ C A P I T A]

CAP. I. Qualis esse debeat conductus
Electorum, & a quibus

ij De electione Regis Romani

liij De sessione Treuerensi Coloniensi &
Moguntinensi Archiepiscoporum

liij De Principibus Electoribus in
communi

v De iure Comitum Palatinorum & et-
iam Saxonum Ducum

vj De comparatione Principum Ele-
ctorum ad alios Principes communes

vij De successione Principum

viii De Regis Boemie & regnicola-
rum eius immunitate

ix De auri, argenti, & aliarum spe-
cierum mineris

x De monetis

xj De immunitate Principum Ele-
ctorum

xij De congregatione Principum

xliij De revocatione privilegiorum

xliij De hiis quibus ut indignis aufe-
runtur bona feudalia

xv De conspirationibus

xvi De falsariis

xvij De diffidationibus

xviii Littera Intimationis

xix Forma procuratorum mittendi per
eum Principem Electorem qui nunc-
cios suos ad electionem faciendam
duxerit destinandum

xx De unione Principum Electo-
rum & iurium eis connexorum

xxj De ordine processionis inter Ar-
chiepiscopos

xxij De ordine processio-
nis Principum Electorum
& per quos insignia de-
portentur

xxliij De benedictionibus
Archiepiscoporum in pre-
sencia Imperatoris

xxliij De inductionibus
Imperialibus

xxv De officiis Principum
Electorum in sollempnibus
curiis Imperatorum vel
Regum Romanorum

xxvi De iuribus officialium
dum Principes feudales
ab Imperatore vel Rege
Romano recipiunt

ab Orig-
nali ab
sunt



NOMINE SANCTE ET INDIVIDUE
TRINITATIS feliciter, Amen. KAROLVS
QVARTVS, diuina fauente clemen-
tia, Roman Imperator semper augustus &
Boemie Rex, Ad perpetuam rei memo-
riam. Omne regnum in seipso diuisum
desolabitur. nam Principes eius facti sunt

foecit fatum. ob quod Dominus miscuit in medio eorum spi-
ritum vertiginis, vt palpent in meridie sicut iam tenebris: &
candelabra eorum mouit de loco suo, vt ceci sint, & duces
cecorum: & qui ambulant in tenebris, offendunt, & ceci
mente scelera perpetrant, que in diuisione contingunt. Dic
Superbia, quomodo in Lucifero regnasses, si diuisionem au-
xiliatricem non habuisses. Dic Sathan inuide, quomodo A-
dam de Paradiso eiecisses, nisi eum ab obedientia diuississes.
Dic Ira, quomodo Romanam rempublicam destruxisses, nisi
in diuisione Pompeium & Iulium seuientibus gladiis ad in-
stina prelia concitasses. Dic Luxuria, quomodo Troianos
destruxisses, nisi Helenam a viro suo diuississes. Tu quidem
inuidia Xpianum Imperium a Deo ad instar sancte & indiui-
due Trinitatis, fide, spe, & caritate, virtutibus Theologicis
roboratum, cuius fundamentum super Xpianissimo regno fe-
liciter stabilitur, antiquo veneno, quod velut serpens in pal-
mites Imperiales, & membra eius propinquiora, impio sce-
lere vomuisti, vt concussis columpnis, totum edificium rui-
ne subiceres, diuisionem inter septem Electores sacri Impe-
rii, per quos velut septem candelabra lucentia in vnitatem spi-
ritus septiformis, sacrum illuminari debet Imperium, multo-
ciens posuisti. San cum tamen ex officio, quo Cesarea digni-
tate potimur, futuris diuisionum & dissensionum periculis
inter Electores ipsos, de quorum numero vt Rex Boemie
esse dinoscimur, ratione duplici, tam ex Imperio quam ele-
ctionis iure, quo fungimur, occurrere teneamur, infra scri-
ptas leges, ad vnitatem inter Electores fouendam & electio-
nem vniuersalem inducendam, ac detestande diuisioni predi-

de variis que periculis ex ea sequentibus aditum precludendum, in solempni curia nostra Nurembergen. assidentibus nobis omnibus Principibus Electoribus ecclesiasticis & secularibus, ac aliorum Principum, Comitum, Baronum, procerum, nobilium, & ciuitatum multitudine numerosa, in solito maiestatis Cesaree, Imperialibus insulis insigniis, & diademate coronati, matura deliberacione preuia, de Imperiali potestatis plenitudine edidimus, statuimus & duximus sanciendas, sub anno Domini millesimo trecentesimo quinquagesimo sexto, Indiccione nona 1111 Idus Ianuarii, regnorum nostrorum anno decimo, Imperii vero primo.

1] *Qualis esse debeat. conductus Electorum,
& a quibus.*

Decernimus & presenti edicto Imperiali perpetuo valituro sancimus, ex certa scientia, & de Imperiali plenitudine potestatis, vt quotienscumq; & quandocumq; futuris temporibus necessitas siue casus electionis Regis Roman in Imperatorē promouendi emerferit. & Principes Electores ad electionem huiusmodi, iuxta antiquam laudabilem consuetudinem habuerint proficisci, vnusquisque Princeps Elector, si & quando super hoc fuerit requisitus, quoslibet Principes coelectores suos, vel ipsorum nuncios, quos ad electionem ipsam transmiserint; per terras, territoria & loca sua, & etiam vltra, sicut longius poterit, conducere teneatur, & eis absque dolo prestare conductum, versus ciuitatem in qua talis electio fuerit celebranda, & ab illa etiam redeundo, sub pena periurii & perditionis, pro illa dumtaxat vice, sue vocis quam in electione huiusmodi fuerat habiturus. Quas quidem penas eos vel eum qui in prestando memorato conductu rebelles seu rebellem, negligentes vel negligentem se prebuerint, eo ipso decernimus incidisse.

Statuimus in super & mandamus vniuersis aliis Principibus, feuda a sacro Imperio Romano tenentibus, quocumque nomine censeantur, nec non Comitibus, Baronibus, militibus, clientibus, nobilibus & ignobilibus, ciuibus & communitatibus castrorum, ciuitatum & locorum facti Imperii vniuersis,

neris, vt eodẽ tempore, dum videlicet Regis Romanũ in Imperatorem promouendi electio celebranda occurreret, vnumquemque Principem Electorem ab ipsis vel eorum aliquo conductum huiusmodi postulantem, vel eiusdem nunciis, quos ad electionem ipsam duxerit, vt prefertur, per territoria sua & al, quanto possint remocius, absque dolo, modo predicto conducant, Si qui vero huic nostre constitutioni contraire presumpserint, supra scriptas eo ipso penas incurrant. Omnes quidem Principes & Comites, Barones, nobiles, milites & clientes, & vniuersi nobiles contrarium facientes, reatum periurii & priuacionem omnium feudorum, que a sacro Romano Imperio & a quibuscumque aliis obtinent, & etiam omnium possessionum suarum & quocumque habitarum, incurrant. Omnes quoque ciues & communitates contra premissa facere presumptas, similiter sint periuri, & nichilominus vniuersis suis iuribus, libertatibus, priuilegiis & gratiis a sacro obtentis Imperio, sint omnes priuati, & cum personis & bonis suis omnibus, bannum & proseriptionem Imperialem incurrant: & eosdem quos ipso facto exnunc, prout extunc, iure priuamus. Deinceps cuilibet hominũ auctoritate propria & sine iudicio seu inuocatione magistratus cuiuslibet, impune licebit inuadere; nullamque penam propter hoc inuadens ipsos debet ab Imperio aut quouis alio formidare, presertim cum contra Rempubicam ac sacri statum ac dignitatem Imperii, ac etiam contra honorem proprium & salutem, tantũ rei temerarii neglectores, tamquam rebelles, inobedientes, & perfidi, infideliter & peruerse agere conuincantur.

Decernentes insuper & mandantes, vt omnium ciuitatum ciues & communia iam dictis Principibus Electoribus & eorum cuilibet hoc poscenti, eorumque nunciis, vi & ualua in communi precio atque cursu pro suis, seu nunciorum predictorum hominumque suorum necessitatibus, dum ad predictam ciuitatem causa celebrande electionis predictæ accesserint, ac etiam dum discesserint ab eadem, vendere, seu vendicare teneantur: nullam in premissis fraudem quomodo libet adhibendo. Alioquin contrarium facientes, penas illas

volumus ipso facto incurrere quas in precedentibus contra ciues & communitates duximus promulgandas. Quisquis insuper ex Principibus, Comitibus, Baronibus, militibus, clientibus, nobilibus seu ignobilibus, ciuibus seu cōmunitatib, ciuitatum, Principi Electori ad electionem de rege Romani celebrandā eunti, vel ab ipsa denuo redeunti, hostiliter custodias tendere, seu insidias parare presumpserit, aut ipsos vel eorum aliquem in sua vel suorum personis aut rebus inuadere vel turbare, seu ipsorū vel alicuius eorū nuncios antedictos, siue conductum petierint, siue etiam non duxerint erogandum: hunc vna cum vniuersis malicie sue complicitibus, ipso facto supradictas penas decernimus incurrisse: Ita videlicet quod queuis persona penam incidat, siue penas, quas iuxta premissa pro qualibet personarum duximus infligendas. Si vero aliquis Princeps Elector cum aliquo suo coelectore inimicitias gereret, & inter eos quecunque contencio, controuersia seu dissensio verteretur: hinc nequaquam obstā alter alterum vel alterius nuncios ad electionem huiusmodi destinandos, premisso modo conducere sit astrictus, sub pena perituri ac perditionis, dumtaxat ista vice, sue vocis in electione, vt superius est expressum.

Si qui vero alii Principes, Comites, Barones, milites, cliētes, nobiles & ignobiles, ciues vel cōmunia ciuitatū, cum aliquo Principe Electore, vel plurib⁹ ex eisdē, aduersam gererēt voluntatem, seu queuis discordia inter ipsos adinuicē vel gverra siue dissensio verteretur, nichilomin⁹ omni contradictione & dolo cessantibus, Principi Electori vel Principibus, seu eius vel ipsorū nunciis ad electionē huiusmodi destinandis, & redeuntibus ab eadē, talē debeant p̄stare conductū, prout singuli penas iā dictas, p nos videlicet in se latas, voluerint cultare: quas eos qui secus fecerint incurrisse decernimus eo ipso. Ad premisorū autē omnium firmitatē, & certitudinem ampliorē, iubemus & volumus vt vniverſi Principes Electores, & ceteri Principes, nec non Comites, Barones, Nobiles, Ciuitates, seu ipsarū cōmunitates, p̄missa omnia litteris & iuramentis suis firmare, & ad ea bona fide ac sine dolo implenda efficaciter se debeant obligare. Quicūque vero litteras huiusmodi

modi dare renuerit, penas illas ipso facto incidat, quas p psonarum condicione p premissa singulis duximus infligendas.

Si quis autem Princeps Elector, aliusve Princeps cuiuscūq; cōdicionis aut status, feudū vel feuda a sacro tenens Imperio, aut Comes, Baro vel nobilis, seu successores taliū vel heredes, supra & infra scriptas Imperiales nostras constitutiones & leges adimplere noluerit, aut eis cōtraire presumpserit, si quidem talis Princeps Elector extiterit excū ceteri sui coelectores a suo ipsum deinceps excludant consorcio, ipseque voce electionis & aliorum Principū Electorū loco dignitate careat atque vice, nec inuestiatur de feudis que a sacro Imperio visus fuerit obtinere. Alius vero Princeps aut vir nobilis, vt prefertur, in has nostras leges committens, similiter non inuestiatur de feudis que a sacro Imperio vel alias obtinet a quocunque: & nichilominus omnes penas premissas suam concernentes personam incidat eo ipso.

Quamuis autem vniuersos Principes, Comites, Barones, nobiles, milites, clientes, Ciuitates quoq; & communitates illarum ad prestandū cuilibet Principi Electori vel eius nunciis prefatum conductum, vt predicitur, indistincte velimus & decreuerimus obligari, nichilominus eorum cuilibet singulares conductus & conductores pro regionum & locorum adiacentia cuilibet magis aptos duximus designandos, vt statim per sequentia plenius apparebit.

Primo namq; Regem Boemie sacri Imperii Archipincernam, conducent Archiepiscopus Moguntinē, Bambergen & Herbpolen Episcopi, Burgrauii Nurembergi: item illi de Hohenloch, de Vertheim, de Brunecke, & de Hanovve: Item ciuitates, Nuremberg, Rotenburg, & VVindesheim.

Deinde Archiep̄m Colonien, sacri Imperii per Italiā Archicancellariū. conducēt & cōducere tenebūt Moguntinē & Treueren Archiepi, Comes Palatinus Reni, Langgrauius Hassie: item de Carzenelbogen, de Naillov, de Dietze Comites: itē de Hemburg, de VVesterburg, de Runkel, de Limpurg & Valkēstein, itē ciuitates Weisflaria, Geylnhusen & Fridberg.

Item Archiep̄m Treueren, sacri Imperii p Galliam & regnū Arelan Archicancell, conducent Archieps Moguntin.

Comes Palatinus Reni: item de Spanheim, de Veldentz Comitibus: item die Rugrauen, VVildegauen, de Nassovv, de Isenburg, de VVesterburg, de Runkel, de Limpurg, de Dietz, de Catzenelbogen, de Eppenstein, de Valckenstein, item ciuitas Moguntin.

Deinde Comitem Palatinum Reni, sacri Imperii Archidapiferum, conducere debbit Archiepiscopus Moguntin.

Ducem vero Saxoniz sacri Imperii Archimarescallum, tenebitur couducere Rex Boem, Moguntin & Magdeburgen Archiepiscopi: Item Bambergem & Herbipolen Episcopi, Marchio Misnen, Langgravius Hassiz: item Fulden & Hersuelden abbates, Burggravius Nurembergen: item illi de Hohenloch, de VVertheim, de Brunecke, de Hanovv & de Valckenstein: item Ciuitates Erfordia, Mulhusen, Nuremberg, Rotemburg, & VVindesheim. Et hii omnes proxime nominati Marchionem Brandenburgen sacri Imperii Archicamerarium, similiter conducere tenebuntur.

Volumus autem & expresse statuimus, vt vnusquisque Princeps Elector, qui talem voluerit habere conductum, hiiis a quibus ipsum postulare decreuerit, hoc ipsum adeo tempore, viamque qua fuerit transiturus, insinuet, & talem conductum exposcat, vt illi qui ad conductum huiusmodi impendendum deputati, & qui fuerint requisiti, ad hoc oportune valeant & commode preparare.

Premissas vero constitutiones circa materiam conductus editas, ita sane debere declaramus intelligi, vt vnusquisque superius nominatus, vel forsitan non expressus, a quo in ealu premissis conductum requiri contigerit, ad prestandum ipsum per suas dumtaxat terras & territoria, ac etiam vltra, quanto potest remotius, absque dolo, sub penis contentis superius sit astrictus.

Preterea statuimus ac etiam ordinamus, vt Archiepiscopus Moguntinen, qui fuerit pro tempore, singulis Principibus coelectoribus suis, ecclesiasticis & secularibus, electionem eandem, per suos nuncios, patentibus debeat litteris intimare. In quibus quidem litteris talis dies & terminus exprimitur, infra quem eodem littere ad singulos eosdem Principes

eipes verifimiliter poffint convenire. Huiusmodi vero littere continebũr, vt a die in litteris ipsis expreffa infra tres menses continuos omnes & finguli Principes Electores Frankenfordi ſuper Mogani eſſe debeant conſtituti, vel ſuos legales ad eundem terminum atque locum nuncios deſtinare cum plena & omnimoda poteſtate, ſiſque patentibus litteris maiori cuiuslibet eorum ſigillo ſignatis, ad eligendum Romanũ Regem in Cefarem promouendum.

Qualiter autem & ſub qua forma tales littere confici debeant & que in eis ſolempnitas debeat immutabiliter obſervari, & in qua forma & modo Principes Electores nuncios ſuos ad electionem huiusmodi deſtinandos ad poteſtatem, mandatum, ſeu procuratoria ordinate debuerint, ad finem preſentis libri, conſcriptum inuenitur clariuſ expreſſum: Et eandem formam illic traditam mandamus, & de Imperialiſ poteſtatis plenitudine vſquequaque decernimus obſervari.

Cum autem ad hoc peruentum fuerit, quod de Imperatoris vel Regis Romanũ obitu in die Moguntiũ conſtituit, extunc infra vnum meſem a die notitiæ obitus huiusmodi continue numerandum, ſingulis Principibus Electoribus, obitum ipſum & intimationem de quibus premititur, per Archiepiſcopum Moguntiũ iubemus & decernimus ſiſ patentibus litteris declarari. Quod ſi idem Archiepiſcopus in executione & intimatione huiusmodi, negligens aut remiſſus fortaliſ exiſteret, extunc idem Principes motu proprio, etiam non vocati, pro fidei ſue virtute, qua ſacrum proſequi tenentur Imperium, poſt hoc infra tres meſes, ſicut in conſtitutione proxime poſita ſupra continetur, in ciuitate Frankenfordenſi tepediſta conueniant, electuri Regem Romanũ in Cefarem promouendum.

Debet autem vnusquiſque Princeps Elector, vel ſui nunciũ predictam ciuitatem Frankenfordenſi cum ducentis equitaturis tantummodo prefate electionis tempore introire ſin quorum numero quinquaginta tantum armatos vel pauciores ſecum introducere poterit, ſed non plures.

Princeps vero Elector ad electionem huiusmodi vocatus & requiliſ, & ad ipſam non veniens, vel legales nuncios

cum litteris patentibus sigillo suo maiori sigillatis plenamq; & liberam ac omnimodam potestatem continentibus ad eligendum Roman Regem futurum Imperatorem, non dirigens aut veniens, aut huiusmodi nuncios forte transmittens, si postea Princeps ipse, aut prædicti nuncii a prædicto electionis loco recederent, Rege Roman futuro Cesare non electo, nec ad præmissa procuratore legitimo substituto solempniter & relicto, electionis voce seu iure quod in eadem electione habuit & tali modo deferui, careat ista vice.

Iniungimus autem ciuibus de Frankenford, & mandamus, vt ipsi vniuersos Principes Electores in genere, & quolibet eorum, ab inuasiōe alterius, si quid inter eos aduersitatis emergeret, & etiam ab omni homine cum omnibus eorum hominibus quos ipsi & eorum quilibet in præfato ducentorum equorum suorum numero ad præfatam duxerint ciuitatem, in virtute iuramenti quod super hoc ipsos ad sancta præstare statuimus, fideli studio & solerti diligentia protegant & defendant: Alioquin periculi reatum incurrant, & nichilominus omnia iura sua, libertates, gratias & indulta, quæ a sacro obtinere noscuntur Imperio, omnino amittant, bannumque Imperiale, cum personis & bonis suis omnibus, incendant eo ipso: Et liceat extunc omni homini auctoritate propria, ac sine iudicio, ciues eosdem quos eo casu exnunc, prout extunc, omni iure priuamus, tanquam proditores infideles & rebelles Imperii, impune inuadere: Ita quod inuadentes huiusmodi, penam quamcumque a sacro Imperio, vel quouis alio, nequaquam debeant formidare. Ciues insuper antedicti de Frankenford, per omne tempus, quod super electione sepe dicta tractari & agi contigerit, neminem in præfatam ciuitatem, cuiuscumque dignitatis, condicionis vel status extiterit, introrittant, vel intrare quouis modo permittant: Principibus Electoribus; & eorum nunciis & procuratoribus antedictis dumtaxat exceptis: quorum quilibet cum ducentis equis debebit, vt predictur, introritti. Si vero post ipsorum Principum Electorum introitum, seu in ipsorum presentia, in præfata ciuitate aliquem reperiri contigerit, illius exitum ciues ipsi debebunt absque mora & cum

cum effectu protinus ordinare, sub omnibus penis contra ipsos superius promulgatis, ac etiam in virtute Iuramenti, quod ciues ipsi de Frankenfort, super eo virtute presentis constitutionis prestare debebunt ad sancta, vt in precedentibus est exprellum,

11] *De electione Romani Regis.*

Postquam autem sepedicti Electores seu nuncii ciuitatem Frankenfort ingressi fuerint, statim sequenti die diluculo, in Ecclesia sancti Bartholomei Apostoli ibidem in omnium ipsorum presentia, missam de sacro Spiritu faciant decantari ad finem, vt ipse sanctus Spiritus corda ipsorum illustret & eorum sensibus lumen sue virtutis infundat, quatenus ipsi suo sulti presidio, hominem iustum, bonum & utilem eligere valeant in Regem Romanum futurumq; Cesarem, ac pro salute populi Christiani. Peracta quoque missa huiusmodi, omnes illi Electores seu nuncii accedant ad altare, in quo missa eadem extitit celebrata, vbi Principes Electores ecclesiastici coram Euangelio beati Iohannis, **IN PRINCIPIO ERAT VERBUM**, quod illic ante ipsos poni debebit, manus suas pectori cum reuerentia superponant: Seculares vero Principes Electores, dictum Euangelium corporaliter manibus suis tangerent: qui omnes, cum tota ipsorum familia tunc ibi debebunt inermes assistere. At Archiepiscopus Moguntinus formam Iuramenti eis dabit, & vna cum ipsis & ipsi, vel absencium nuncii, vna cum eo iuramentum prestabunt vulgariter in hunc modum:

Ego Archiepiscopus Moguntinus sacri Imperii per Germaniam Archicancellarius & Princeps Elector, iuro ad hec sancta Dei Euangelia, hic presentia liter coram me posita, quod ego per fidem qua Deo & sacro Romano Imperio sum strictus, secundum omni discretionem & intellectum meum, cum Dei adiutorio eligere volo temporale caput populo Christiano, id est Regem Romanum in Cesarem promouendum, qui ad hoc existat ydoneus, in quantum discretio & sensus mei me dirigunt, & secundum fidem predictam, vocemq; meam, & votum seu electionem prefatam dabo, absq; omni

paſto, ſtipendio, precio, vel promiſſo, ſeu quocumque modo talia valeant appellari. ſicut me Deus iuuat & omnes ſancti.

Præſtito denique per Electores ſeu nuncios in forma & modo predictis, huiusmodi Iuramento, ad electionem procedant, nec ammodo de iâ dicta ciuitate Frankfort ſeparentur, niſi prius maior pars ipſorum, temporale caput mundo elegerit ſeu populo Chriſtiano, Regem videlicet Romanum in Ceſarem promouendum. Quod ſi facere diſtulerint infra triginta dies a die præſtiti Iuramenti præſti continuo numerandos, extunc tranſactis eiſdem triginta diebus, ammodo panem manducent & aquam, vt nullatenus ciuitatem exeant antedictam, niſi prius per ipſos, vel maiorem partem ipſorum, Rector & temporale caput fidelium electum fuerit vt præſertur.

Postquam autem in eodem loco ipſi vel pars ipſorum maior numero elegerit, talis electio perinde haberi & reputari debebit, ac ſi foret ab ipſis omnibus nemine diſcrepante concorditer celebrata. Sique per tempus aliquod morati, abeſſe & tardare contingeret aliquem de Electoribus ſeu nunciis antedictis, dum tamen veniret antequam predicta eſſet electio celebrata, hunc ad electionem ipſam in eo ſtatu adnunti debere decernimus, in quo ipſa aduentus ſui tempore conſiſtebat.

Et quia de antiqua approbata, & laudabili conſuetudine inconuulſe quod ſubſcribitur ſemper hætenus extitit obſeruatum: Ideoque & nos conſtituimus, & de Imperialis decernimus plenitudine poteſtatis, quod is qui modo promiſſo in Regem fuerit Romanum electus, peracta ſtatim electione huiusmodi, priuſquam in aliquibus cauſis aliis ſue negotiiſque virtute ſacri Imperii adminiſtret, vniuerſis & ſingulis Principibus Electoribus eccleſiaſticis & ſecularibus qui propinquiora ſacri Imperii membra eſſe noſcuntur, omnia ipſorum priuilegia, litteras, iura, libertates, conſeſſiones, antiquas conſuetudines, & etiam dignitates, & quicquid ipſi ab Imperio vsque in diem electionis ſue obtinuerint & poſſederunt, abſq; dilatione & contradictione cor firmare & approbare debeat per ſuas litteras & ſigilla, ipſiſque premiſſa omnia

omnia innouare, postquam Imperialibus fuerit infulis con-
tonatus.

Confirmationem autem huiusmodi, electus ipse euilibet
Principi Electori in specie primo suo nomine Regali faciet,
& deinde sub Imperiali titulo innouabit, & in his ipsos Prin-
cipes in genere, & quemlibet eorum in specie, nullatenus
impedire, sed potius absque dolo genere se tenebitur pro-
mouere.

In casu denique quo tres Principes Electores presentes,
seu absentium nuncii, quartum ex se seu ipsorum consortio,
videlicet Principem Electorem presentem vel absentem, in
Regem Romanum elegerint, vocem illius electi, si presens af-
fuerit, aut nunciorum ipsius si eum abesse contingeret, ple-
num vigorem habere & eligentium angere numerum partem-
que maiorem decernimus constituere, ad instar ceterorum
Principum Electorum.

111] *De sessione Treueren Colonienfis & Moguntini
Archiepiscoporum.*

IN nomine sancte & indiuidue Trinitatis feliciter, Amen.
Carolus quartus, diuina fauente clementia Romanus Impe-
rator semper augustus & Boemie Rex, Ad perpetuam rei me-
moria. Decor & gloria sacrosancti Romani Imperii, & ho-
nor Cesareus, & reipublice grata compendia, venerabilium
& illustrium Principum Electorum concordia voluntate fo-
uentur: qui velut columpne procures sacrum edificium cir-
cumpecte prudentie solerti pietate sustentant: quorum pre-
sidio dextera Imperialis potentie roboratur: & quanto mu-
tui fauoris ampliori benignitate stringuntur, tanto verbor-
tis pacis & tranquillitatis commoda feliciter profluunt po-
pulo Christiano. Vigetur inter venerabiles Moguntin, Co-
lonien nec non Treueren Archiepiscopos, sacri Imperii
Principes Electores, omnium litum & suspectuum que &
qui de prioritate seu dignitate sessionum suarum in Curia
Imperialibus & Regalibus laboriri valerent, imposterum
perpetuis in antea temporibus amputentur, & ipsi in cordis
& animorum queta condicione manentes, de oportunita-

tribus sacri Imperii concordia favore & virtuose dilectionis studio conuenientius meditari valeant pro consolatione populi Christiani, habita deliberatione cum omnibus Principibus Electoribus, tam ecclesiasticis quam secularibus, & de ipsorum consilio, decernimus & de Imperatorie potestate plenitudine hac edictali lege perpetuo valitura sanccimus, quod supradicti venerabiles Archiepiscopi, Treuerenſis videlicet ex opposito, ex liniari directione versus Imperatoris faciem: Moguntinſis vero in suis dioceſi & prouincia, & extra prouinciam suam, in toto cancellariatu suo Germanico, prouincia Coloſn dumtaxat excepta: & demum Coloſnienſis in suis dioceſi & prouincia, & extra prouinciam suam, in tota Italia & Gallia, in dextro latere Romanſis Cesaris, sedere possint, valeant, & debeant, in omnibus publicis actibus Imperialibus, puta iudiciis, collocacionibus feudorum, & in refectionibus mensarum, ac etiam in consiliis & omnibus aliis agendis propter que contingit seu cōtinget eos pro honore seu vtilitate Imperiali tractandis mutuo conuenire. Et hunc modum sessionis sub omni eo ordine sicut expressatur superius, ad predictorum Colonienſis, Treuerenſis & Moguntinenſis Archiepiscoporum successores perpetuo extendi volumus, vt nullo vnquam tempore super hiis queuis dubietas generetur.

1111] *De Principibus Electoribus in communi.*

STATUIMUS insuper vt quotienscumque Imperialem curiam exnunc inantea celebrare contigerit, in qualibet sessione, videlicet tam in consilio quam in mensa, & locis aliis quibuscumque vbi Imperatorem vel Regem Romanſum cum Principibus Electoribus sedere contigerit, a dextro latere Imperatoris vel Regis Romanſi immediate post Archiepiscopum Moguntinſem vel Coloſn, illum videlicet quem tunc temporis pro qualitate locorum & varietate prouinciarum, iuxta priuilegii sui tenorem, dicto lateri dextro Imperatoris assidere contigerit, Rex Boemie, cum sit Princeps coronatus & vnctus, primum, & post eum continuo Comes Palatinus Rheni secundum sedendi loca debeant obtinere: Ad sinistram vero partem immediate post illum quem ex predictis Archiepiscopis in late-

In latere sinistro sedere contingeret, primum locum Dux Saxonie, & post eum Marchio Brandenburgū alterum obtinebit.

Ceterum quotiens & quando deinceps sacrum vacare contingeret Imperium, extunc Moguntinū Archiepiscopus potestatem habebit, sicut potestatem habuisse dinoscitur ab antiquo, ceteros Principes antedictos, suos in dicta electione consortes, litteratorie conuocandi. Quibus omnibus, seu hiis qui potuerint & voluerint interesse in electionis termino inuicem congregatis, dictus Archiepiscopus Moguntinū, & non alter, eorundem coelectorum suorum vota singulariter habebit inquirere, ordine subsequenti.

Primo quidem interrogabit a Treueren Archiepiscopo, cui primam vocem competere declaramus, sicut inuenimus hactenus compeciisse: Secundo a Colonien Archiepiscopo, cui competit dignitas nec non officium Roman Regi primum diadema Regium imponendi: Tertio, a Rege Boem, qui inter Electores laicos ex regie dignitatis fastigio iure & merito obinet primaciam: Quarto, a Comite Palatin Reni: Quinto, a Duce Saxonie: Sexto, a Marchione Brandenburgū. Horum omnium vota, premisso iam ordine, dictus Archiepiscopus Moguntinū perquiret. Quo facto dicti Principes sui consortes ipsū viceuersa requirent, vt & ipse intencionem suam exprimat, & ipsis aperiat votum suum.

Preterea in celebratione Imperialis curie, Marchio Brandenburgū aquam lauandis Imperatoris vel Regis Roman manibus ministrabit: Primum vero potum Rex Boemie: quem tamen sub corona regali, iuxta priuilegiorum regni sui continenciam, nisi libera voluntate voluerit, non tenetur ministrare. Comes etiam Palatinus cibum afferre tenebitur: & Dux Saxonie mare stallatus officium exercebit, vt solitum est fieri ab antiquo.

v] *De iure Comitū Palatinū, & etiam Saxonie Ducū.*

QUotiens insuper, vt premititur, sacrum vacare contingeret Imperium, illustis Comes Palatin Reni, sacri Imperii archidapifer, ad manus futuri Regis Roman in partibus Reni & Syueue, & in iure Franconico, ratione Princi-

patus, seu Comitatus Palatin^{us} priuilegio, esse debet prouisor
 ipsius Imperii cum potestate iudicia exercendi, ad beneficia
 ecclesiastica presentandi, recolligendi redditus & prouen-
 tus, & inuestiendi de feudis, iuramenta fidelitatis vice & nomi-
 ne sacri Imperii recipiendi: que tamen per Regem Roman^{um}
 postea electum, suo tempore omnia innouari & de nouo sibi
 iuramenta ipsa prestari debebunt: feudis Principum dum-
 taxat exceptis, & illis que *vanlehen* vulgariuer appellantur;
 quorum inuestituram & collacionem soli Imperatori vel
 Regi Roman^o specialiter referuamus. Ipse tamen Comes
 Palatin^{us} omne genus alienacionis seu obligacionis rerum
 Imperialium huiusmodi prouisionis tempore expresse sibi
 nouerit interdictum.

Et eodem iure prouisionis illustrem Ducem Saxonie sacri
 Imperii Archimarescallum siui volumus in illis locis vbi Sax-
 onica iura seruantur, sub omnibus modis & condicionibus
 sicut superius est expressum.

Et quamuis Imperator siue Rex Roman^{us} super causis pro-
 quibus impeditus fuerit, habeat, sicut ex consuetudine in-
 troducitur, coram Comite Palatin^o Rheni, sacri Im-
 perii Archidapifero. Electore Principe, respondere: illud ta-
 men iudicium. Comes ipse Palatinus non alibi preterquam
 in Imperiali Curia, vbi Imperator seu Roman^{us} Rex presens
 extiterit, poterit exercere.

vi] *De comparacione Principum Electorum ad alios
 Principes communes.*

DEcernimus vt in celebratione Imperialis Curie, quo-
 tienscunque illam deinceps celebrari contigerit, ante-
 dicti Principes Electores ecclesiastici & seculares, iuxta pre-
 scriptum ordinem atque modum, a dextris & a sinistris im-
 mutabiliter teneant loca sua, eis que vel eorum alicui in qui-
 buscunque actibus ad Curiam ipsam spectantibus eundo, se-
 dendo, vel stando, nullus Princeps alius, cuiuscunque status,
 dignitatis, preminencie vel condicionis existat, vllatenus
 preferatur: Eo signanter expresso, quod nominatim Rex
 Boemie in celebratione curiarum huiusmodi, in omnibus
 & sin-

& singulis actibus antedictis, quemcumque regem alium, quacumq; etiam singulari dignitatis prerogatiua fulgentem, quem quouis casu seu causa venire vel adesse forte contigerit, immutabiliter antecedit.

VII] *De successione Principum.*

INter sollicitudines illas innumeras, quibus pro felici statu sacri Imperii, cui auctore Domino feliciter presidemus, cor nostrum cottidie fatigatur, ad hoc precipue meditatio nostra dirigitur, qualiter desiderata & salubris semper vnio inter sacri Imperii Principes Electores iugiter vigeat, & corda eorum in sincere caritatis concordia conseruentur: quorum prouidentia suo tempore orbi fluctuanti tanto celerius, tantoque facilius subuenitur, quanto inter eos nullus error surreperit & purior fuetit caritas custodita, obscuritate succisa, & iure cuiuslibet dilucide declarato. Sane, generaliter longe lateque est publicum & quasi per totum orbem notorie manifestum, illustres Regem Boemie, nec non Comitem Palatinum Rheni, Ducem Saxonie, & Marchionem Brandenburgensem, virtute regni & principatuum suorum, in electione Regis Romanorum in Cæsarem promouendi cum ceteris Principibus Ecclesiasticis suis coelectoribus, ius, vocem, & locum habere, & vna cum ipsis ceteri & esse veros & legitimos sacri Imperii Principes Electores, ne inter eorundem Principum secularium Electorum filios super iure, voce, & potestate prefata, futuris temporibus, scandalorum & dissensionum possit materia suscitari, & sic bonum commune periculosis dilacionibus impediri, futuris auctore Deo cupientes periculis salubriter obuiare, statuimus & Imperiali auctoritate presenti lege perpetuis temporibus valitura decernimus, vt postquam iidem Principes Electores seculares & eorum quilibet esse desierit, ius, vox & potestas electionis huiusmodi ad filium suum primogenitum legitimum laicum: Illo vero non extante, ad eiusdem primogeniti primogenitum similiter laicum, libere & sine contradictione cuiuspiam, deuoluatur. Si vero primogenitus huiusmodi, absque heredibus legitimis, masculis legitimis laicis, ab hac luce

migraret, virtute presentis Imperialis edicti, ius, vox, & potestas electionis predictæ, ad seniore[m] fratrem laicum per veram paternalem lineam descendentem, & deinceps ad illius primogenitum laicum deuoluatur. Et talis successio in primogenitis & heredibus Principum eorundem, in iure, voce & potestate premixtis, perpetuis temporibus obseruetur: Ea tamen condicione & modo, vt si Principem Electorem, seu eius primogenitum, aut filium seniore[m] laicum, moti, & heredes masculos legitimos laicos defectum etatis pacientes, relinquere contingeret, tunc frater senior eiusdem primogeniti, tutor eorum & administrator existat, donec seniot ex eis legitimam etatem attigerit: quam in Principe Electore decem & octo annos completos censi volumus & statuimus perpetuo & haberi: quam dum exegerit, ius, vocem & potestatem, & omnia ab ipsis dependentia, tutor ipse sibi totaliter, cum officio teneatur protinus assignare.

Si vero aliquem ex huiusmodi Principatibus ipsorum ipsorum sacro vacare contingeret, tunc Imperator, seu Rex Romanus, qui pro tempore fuerit, de ipso providere debet & poterit, tamquam de re ad se & Imperium legitime deuoluta: Saluis semper priuilegiis, iuribus & consuetudinibus regni nostri Boem super electione Regis in casu vacationis per regnicolas, qui ius habent eligendi Regem Boem, facienda iuxta continenciam eorundem priuilegiarum & obseruatam consuetudinem diuturnam a Diuis Roman Imperatoribus siue Regibus obtentorum, quibus ex huiusmodi sanctione Imperiali in nullo preiudicari volumus, ymmo ipsa decernimus nunc & perpetuis futuris temporibus in omni suotenore & forma indubiam tenere roboris firmitatem.

VIII] *De Regis Boemie & Regnicolarum eius
Immunitate.*

Cum per Diuos Roman Imperatores & Reges predecessores nostros, Illustribus Boemie Regibus progenitoribus & predecessoribus nostris, nec non regno Boem, eiusdemque regni coram olim concessum fuerit graciosius & indultum, sitque in regno eodem a tempore, cuius contrariu

trarii hodie non existit memoria, consuetudine laudabili in-
 conuulſe ſeruata, diuturnitate temporum, & preſcripta mo-
 ribus vrentium ſine contradictionis aut interruptionis ob-
 ſtaculo introductum, quod nullus Princeps, Baro, nobilis,
 miles, cliens, burgenſis, ciuis, nulla denique perſona eiſdem
 regni & pertinenciarum eiſ, vbicunque conſiſtentium, cu-
 iuſcunq; ſtatus, dignitatis, preminencie vel condicionis exi-
 ſtat, ad cuiuſcumq; actoris inſtanciam extra regnum ipſum,
 ad quodeumque tribunal ſeu alterius preterquam regis Boe-
 mie, & iudicum regaliſ curie ſue iudicium citari potuerit ſi-
 ue trahi nec vocari debeat perpetuis inantea temporibus ſi-
 ue poſſit: Ideoque priuilegium, conſuetudinem & indultum
 huiuſmodi, auctoritate Imperiali & de Imperiali poteſtatis
 plenitudine ex certa ſcientia innouantes & etiam confirmā-
 tes hac preſenti noſtra conſtitutione Imperiali perpetuis
 temporibus valitura, ſtatuiſmus, vt ſi contra priuilegium, con-
 ſuetudinem & indultum preſatum, quiſpiam predictorum,
 puta Princeps, Baro, nobilis, miles, cliens, ciuis, burgenſis, ſeu
 ruſticus, aut alia quecunque perſona premiſſa, ad cuiuſcum-
 que tribunal extra regnum predictum Boemie, in quacunq;
 cauſa criminali, ciuili, vel mixta, ſeu ſuper quocunque nego-
 cio citatus fuerit, quocunque tempore vel citata comparere,
 vel in iudicio reſpondere minime teneatur. Quod ſi ad-
 uerſus huiuſmodi non comparentes, vel non comparentem,
 a quocunque Iudice, cuiuſcumque auctoritatis exiſtat, extra
 regnum ipſum Boemie conſtituto, iudicialiter procedi, pro-
 ceſſus fieri, ſeu ſententias interlocutorias vel diffinitiuas, vnā
 vel plures, in quibuſcunque preſoninatis cauſis ſue nego-
 ciis, quouis modo fieri & promulgari contingeret, auctoritate
 premiſſa, de plenitudine inſuper antedictę Imperatorie po-
 teſtatis, citationes, precepta, proceſſus, & ſententias huius-
 modi, nec non executiones, & omnia que ex eis vel aliquo
 eorum quomodolibet ſequi, attemptari poſſent vel fieri, irri-
 tamus penitus & caſſamus: Adicientes expreſſe, & edicto Im-
 periali perpetuo valituro, eadem auctoritate & de premiſſe
 poteſtatis plenitudine decernentes, vt quemadmodum in
 predicto regno Boemie, a tempore cuius contrarii non ha-

betur memoria, iugiter obseruatum existit, Ita nulli prorsus Principi, Baroni, Nobili, militi, clienti, ciui, burgenſi seu rustico, nulli demum persone seu incole regni Boemie ſepedi-cti, cuiuscunque ſtatus, preeminencie, dignitatis vel conditionis exiſtant vel exiſtat, a quibuscunque proceſſibus, ſentenciis interlocutoriis vel diſſiniſiuis, ſiue preceptis regis Boem̃, aut quorumcumque ſuorum iudicum, nec non executionibus eorundem contra ſe in regali iudicio ſeu coram Regis regni ſeu predictorum iudicum tribunalibus, factis aut latis, habitis vel ferendis inantea ſeu ſiendis, ad quodcumque aliud iudicium appellare: prouocationes quoq; ſeu appellationes huiusmodi, ſi quas contra hoc interponi contigerit, eo ipſo viribus non ſubſiſtant, & appellantes ipſi penam perdicionis cauſarum ipſo facto ſe nouerint incurriſſe.

12] *De auri, argenti, & aliarum ſpecierum mineris.*

Preſenti conſtitutione imperpetuum valitura ſtatui-mus, ac de certa ſcientia declaramus, quod ſucceſſores noſtri Boemie Reges, nec non vniuerſi & ſinguli Principes Electores, eccleſiaſtici & ſeculares, qui perpetuo fuerint, vniuerſas auri & argenti fodinas atque mineras, ſtanni, cupri, ferri, plumbi, & alterius cuiuscunque generis metalli, ac eciam ſalis, tam inuentas quam inueniendas impoſterum quibus-cumque temporibus, in regno predicto, ac terris & pertinen-enciis eidem regno ſubiectis: nec non ſupradicti Principes in Principatibus, terris, dominiis ac pertinenenciis ſuis tenere iuſte poſſint & legitime poſſidere, cum omnibus iuribhs, nullo prorsus excepto, prout poſſunt ſeu conſueuerunt talia poſſideri: Nec non Iudeos habere, theolonea in preterito ſtatuta & indiſta percipere: Qd̃q; progenitores noſtri Reges Boemie felicitis memorie, ipſique Principes Electores ac pro-genitores & predeceſſores eorum, legitime potuerint vsq; in preſens, ſicut hoc antiqua laudabili & approbata conſuetudine diuturniq; ac longiſſimi temporis curſu preſcripta noſcitur ob-ſeruatum.

13] *De*

x] *De monetis.*

STatuimus pretereā vt Regi Boemie successori nostro, qui fuerit pro tempore, sicut constat ab antiquo Illustri memorie Boem̃ Regibus nostris predecessoribus licuisse, & in possessione pacifica continua ipsos fuisse iuris subsequētis, videlicet monetas auri & argenti in omni loco & parte Regni sui, & subditarum ei terrarum & pertinentiarum omnium, vbi rex ipse decreuerit sibi que placuerit, cudi facere & mandare sub omni modo & forma in regno ipso Boem̃, in hiis ad hec vsque tempora obseruatis. Quodque futuris perpetuo Boem̃ regibus hac nostra Imperiali constitutione & gracia perpetuo valituris, a quibuscunque Principibus, Magnatibus, Comitibus, & personis aliis, quascunque terras, castra, possessiones, predia siue bona, liceat emere, comparare, seu in donum vel donacionem ex quacunque causa, aut in obligacionem recipere, sub talium terrarum, castrorum, possessionum, prediorum seu bonorum condicione consueta, vt videlicet propria recipiantur, vel compareantur vt propria, libera velut libera, & ea que dependent in feudum, similiter emanant in feudum, seu comparata taliter teneantur: Ita tamen quod ipsi Reges Boemie de hiis que hoc modo comparauerint vel receperint, & regno Boem̃ duxerint applicanda, ad pristina ac consueta iura de talibus sacro expendenda & reddenda Imperio sint adstricti. Presentem nichilominus constitutionem & gratiam, virtute presentis legis nostre Imperialis ad vniuersos Principes Electores tam ecclesiasticos quam seculares, successores & legitimos heredes ipsorum plene extendi volumus, sub omnibus [modis] & conditionibus vt prefertur.

xi] *De Immunitate Principum Electorum.*

STatuimus etiam vt nulli Comites, Barones, nobiles, feudales, vasalli, Castreñ milites, Clientes, Ciues, Burgenses, nulle quoque persone Colonieñ, Moguntineñ & Treuereñ ecclesiis subiecti vel subiecte, cuiuscumque status, conditionis vel dignitatis existant, ad cuiuscumque actoris instantiam, extra territorium & terminos ac limites eandem Ecclesia-

rum & pertinentiarum suarum, ad quodcumque aliud tribunal, seu cuiusvis alterius, preterquam Archiepiscoporum Moguntin, Treueren & Colonien & Iudicum suorum iudicium, citari potuerint temporibus retroactis, vel trahi seu vocari debeant perpetuis inantea temporibus siue possint, sicut preteritis inuenimus temporibus obseruatum. Quod si contra presens edictum nostrum predictos Ecclesiarum Treueren, Moguntinen seu Colonien subditos, vel eorum aliquem seu aliquos, ad cuiuscumque instanciam, seu ad cuiuscumque tribunal, pro quacumque causa criminali, ciuili vel mixta, seu quocumque negotio, extra territorium, limites seu terminos dictarum Ecclesiarum, vel alicuius earum, citari contingeret, comparere vel respondere minime teneantur: & citacio ac processus & sententie interlocutorie vel diffinitive contra non venientes a talibus iudicibus extraneis late vel facte, fiende vel ferende, nec non precepta & premissorum executiones, & omnia que ex eis vel aliquo eorum, quomodolibet sequi attemptari possent vel fieri, irrita decernimus eo ipso: Adicientes expresse, quod nulli Comiti, Baroni, nobili feudali, vasallo, castrensi militi, clienti, ciui, rustico, nulli demum persone Ecclesiis huiusmodi subiecte, seu eius incole, cuiuscumque status, dignitatis vel conditionis existant, a processibus, sententiis interlocutoriis & diffinitiuis, siue preceptis Archieporum & Ecclesiarum huiusmodi, vel suorum officiatorum temporalium, aut executionibus eorundem contra se in Archiepali, seu officiatorum predictorum iudicio factis aut latis, habitis, vel ferendis in antea seu fiendis, ad quodcumque tribunal aliud liceat appellare, quamdiu in Archiepiscoporum predictorum & suorum iudicio querulantibus non fuerit iusticia denegata, appellaciones contra hoc factas non recipi statuimus, cassasque & irritas nunciamus. In defectum vero iusticie, predictis omnibus ad Imperialem dumtaxat curiam & tribunal, seu Iudicis immediate in Imperiali Curia pro tempore presidentis audiendam: Et etiam eo casu, non ad quemuis alium Iudicem, siue ordinarium siue etiam delegatum, his quibus denegata fuerit iusticia, liceat appellare. Quicquid vero contra premissa factum fuerit, sit irritum eo ipso.

Eandem

Eandem constitutionem virtute presentis legis nostre Imperialis, ad Illustres Comitem Palatinum Reni, Ducem Saxonie, & Marchionem Brandemburgensem Principes Electores, seculares, siue laicos, heredes, successores & subditos eorum, plene extendi volumus, sub omnibus modis & condicionibus vt prefertur.

xii] *De congregatione Principum.*

INter illas multiplices reipublice curas, quibus assidue mens nostra distrahitur, multa consideratione necessarium fore prospexit nostra sublimitas, vt sacri Imperii Principes Electores, ad tractandum de ipsius Imperii orbisque salute, frequentius solito congregentur: qui solide bases Imperii, & columpne immobiles, quemadmodum per longinquas adiuicem terrarum consistunt distancias, ita de incumbentibus regionum sibi cognitarum defectibus referre simul & conferre nouerunt, sanisque prouidentie sue consiliis non ignorant accommodis talium reformationibus salubriter opem dare. Hinc est quod in solempni curia nostra in Nuremberg cum venerabilibus ecclesiasticis & illustribus secularibus Principibus Electoribus, & multis aliis Principibus & proceribus per nostram celsitudinem celebrata, habita cum eisdem Principibus Electoribus deliberatione, & de ipsorum consilio, pro bono & salute communi, cum dictis Principibus Electoribus, tam ecclesiasticis quam secularibus, duximus ordinandum quod iidem Principes Electores de cetero per singulos annos semel, transactis a festo Pasche resurrectionis Dominice quatuor septimanas continue numerandis, in aliqua ciuitatum sacri Imperii personaliter congregentur, & ad idem tempus proxime assuturum, seu anno presenti, colloquium seu curia, & congregatio huiusmodi, in ciuitate nostra Imperiali Meten, per nos & eosdem Principes celebretur: ac tunc & deinceps die quolibet congregationis huiusmodi locus per nos, quo frequenti anno conueniant, ipsorum consilio statuatur: Hac nostra ordinatione ad nostrum & ipsorum dumtaxat beneplacitum duratura. Qua durante, ipsos sub nostro Imperiali conductu reci-

pinus ad dictam curiam accedendo, stando, & etiam recedendo. Preterea ne tractatus communis salutis & pacis per tractum & moram solacii seu excessiuam frequentationem conuiuii retardetur, vt aliquando fieri est consuetum, concordii voluntate duximus ordinandum, vt deinceps curia seu congregatione prefata durante, generales omnium Principum celebrare alicui non liceat inuitas: particulares vero, que agendorum expeditionem non impediant, cum modamine sint permisse.

XIII] *De renouatione priuilegiorum.*

Preterea statuimus & hoc Imperiali perpetuo sancimus edito, quod vniuersa priuilegia & littere, quibuscumque personis, cuiuscumque status, preminencie vel dignitatis existant, seu ciuitatum, opidorum & quorumlibet locorum vniuersitatibus, super quibuscumque iuribus, graciis, emunitatibus, consuetudinibus, seu rebus aliis, etiam proprio motu, seu a nobis vel recolende memorie Diuis Roman Imperatoribus siue Regibus predecessoris nostris, sub quibuscumque verborum tenoribus concessa & concessa, seu a nobis vel successoribus nostris Roman Imperatoribus & Regibus in antea concedenda seu concedende, non debeant aut possint libertatibus, iurisdictionibus, iuribus, honoribus seu dominiis Principum Electorum sacri Imperii ecclesiasticorum & secularium, aut alicuius ipsorum, in aliquo penitus derogare, etiam si in talibus priuilegiis & litteris quatuorlibet personarum cuiuscumque preminencie, dignitatis aut status extiterint, vt prefertur, seu vniuersitatum huiusmodi, expresse cautum sit vel fuerit in futurum quod reuocabilia seu reuocabiles esse non debeant, nisi de ipsis & toto in eis comprehenso tenore in tali reuocatione fieret de verbo ad verbum seriatim mencio specialis. Huiusmodi namque priuilegia & litteras, si & in quantum libertatibus, iurisdictionibus, iuribus, honoribus seu dominiis dictorum Principum Electorum, aut alicuius ipsorum, derogare censetur in aliquo, quo reuocamus ex certa scientia & cassamus, reuocataque & reuocatas intelligi & haberi decernimus de plenitudine Imperatorie potestatis.

XIII] *De*

xiiii] *De hiis quibus vt indignis auferuntur,
bona feudalia.*

IN plerisque partibus vasalli & feudatarii, dominorum seu-
da seu beneficia que a dominis ipsis obtinent, intempe-
stive verbaliter & in fraude renunciant leu resignant eadem:
& facta resignacione huiusmodi, dominos ipsos maliciose
diffidant, suasque inimicicias eis denunciant, dampna eis sub-
sequenter graua inferendo: & beneficia seu feuda sic relicta,
pretextu gverre seu inimicie, iterum inuadunt & occu-
pant, & detinent occupata. Eapropter prelati constitutione
imperpetuum valitura sancimus, quod talis resignacio
seu renunciacio haberi debeat pro non facta, nisi libere & re-
aliter facta fuerit per eisdem, ita quod possessio beneficio-
rum & feudorum huiusmodi dominis ipsis corporaliter &
realiter assignetur. In tantum quod nullo vnquam tempore,
diffidantes ipsi in bonis feudis seu beneficiis resignaris, do-
minos ipsos perturbent per se vel alios, aut molestant, nec
ad hoc consilium prestant auxilium vel fauorem. Contrari-
um facientes, seu dominos suos in beneficiis & feudis resi-
gnatis vel non resignatis inuadens quomodolibet vel per-
turbans, vel dampna in ipsis inferens, seu consilium auxilium
prestans talia facientibus vel fauorem, feuda & beneficia hu-
iusmodi eo ipso amittat, infamis existat, & banno Imperiali
subiaceat, & nullus ad feuda vel beneficia huiusmodi pateat
ei de cetero quocunque tempore aditus vel regressus, nec de
nouo sibi concedi valeant vlllo modo: & facta eis contra hoc
illorum concessio seu inuestitura secuta, iuribus non subsi-
stat. Postremo omnes penas predictas illos vel illum qui pre-
dicta resignacione non facta contra dominos suos fraudu-
lenter agentes vel agens, scienter eos inuaserint vel inuase-
rit, diffidacione quacunque prenia vel obmissa, vigore pre-
sentis sanctionis incurrere decernimus ipso facto.

xv] *De conspiratoribus.*

DEtestandas preterea, & sacris legibus reprobatas con-
spiraciones, & conuenticulas, seu colligaciones illicitas,
in ciuitatibus & extra, vel inter ciuitatem & ciuitatem,

inter personam & personam, siue inter personam & ciuitatem pretextu parentele, seu receptiones in ciues, vel alterius cuiuscumque coloris commutationes: insuper & confederationes & pacta, nec non & consuetudinem circa huiusmodi introductam, quam censemus potius corruptelam, reprobamus, dampnamus, & ex certa scientia irritamus: quas ciuitates seu persone cuiuscumque dignitatis seu condicionis, aut status, siue inter se, siue cum aliis absque auctoritate dominorum quorum subditi vel ministeriales, seu in quorum districta consistunt, eisdem dominis nominatim non exceptis fecerunt hactenus & facere presumpserint in futuro, sicut eas per sacras diuorum Augustorum predecessorum nostrorum leges prohibitas non ambigitur & cassatas: Illis confederationibus & legis dumtaxat exceptis, quas Principes & Ciuitates ac alii super generali pace prouinciarum atq; terrarum inter se firmasse noscuntur. Illas enim nostre declarationi specialiter reseruantes, in suo decernimus vigore manere donec de hiis aliud duxerimus ordinandū. Personam singularem que de cetero contra tenorem presentis constitutionis nostre legis antique super hoc edite, confederationes, colligationes, conspiraciones & pacta huiusmodi inire presumpserit, vltra penam legis eiusdem, notam infamie & penam decem librarum auri: Ciuitatem vero, vel vniuersitatem in hanc legem nostram similiter committentem, centum librarum auri, nec non ammissionis & prauacionis libertatum & priuilegiorū Imperialium, penas incurrere decernimus eo ipso, medietate pene huiusmodi pecuniarie, siue Imperiali; reliqua vero domino districtus, in cuius preiudicium facte fuerint, applicanda.

xvi] *De psalburgeris.*

Ceterum quia nonnulli ciues & subditi Principum, Baronum, & aliorum hominum, sicuti frequens ad nos querela perduxit, iugum originarie subiectionis querentes abicere, ymmo ausu temerario contempnenter in aliarum ciuitatum ciues recipi se procurant & frequencius in preterito procurarunt, & nihilominus in priorum dominorū, quos tali fraude

fraude presumpserunt vel presumunt deferere, terris, ciuitatibus, opidis & villis corporaliter residentes, ciuitatum ad quas hoc modo se transferunt, libertatibus gaudere & ab eis defensari contendunt, qui in partibus Alamanie, FALBVRGERII consueuerunt vulgariter appellari: Quoniam igitur patrocinari non debent alicui fraus & dolus, de Imperatorie potestatis plenitudine, omnium Principum Electorum ecclesiasticorum & secularium sano accedente consilio, ex certa scientia statuimus, & presenti lege perpetuo valitura, sancimus, quod predicti ciues & subditi, eis quibus subsunt, taliter illudentes, in omnibus terris, locis, & provinciis sacri Imperii, a presenti die impofterum, ciuitatum in quarum ciues tali fraude recipi se procurant, vel haecenus procurarunt, iuribus & libertatibus in nullo pociantur, nisi ad huiusmodi ciuitates corporaliter & realiter transeuntes, ibique larem fouentes, continue & vere ac non ficte residenciam facientes, debita onera & municipalia subeant munera in eisdem. Si qui vero contra presentis nostre legis tenorem recepti sunt vel fuerint in futurum, illorum receptio omni careat firmitate, & recepti, cuiuscumque condicionis, dignitatis aut status existant, in nullo casu penitus siue causa, ciuitatum ad quas recipi se procurant, iuribus vel libertatibus gaudeant quomodolibet vel fruuntur: Non obstantibus quibuscumque iuribus, priuilegiis vel consuetudinibus obseruatis quocumque tempore & obtentis: Quas & que, in quantum presentis nostre legi obuiant, presentibus ex certa scientia reuocamus de predictae Imperialis plenitudine potestatis. omniq; carere decernimus robore firmitatis: Circa premissa omnia Principum, dominorum & aliorum hominum quos taliter deferri contigit vel contingerit impofterum, iuribus circa personas & bona subditorum quorumcumque, ipsos se predicto modo deferencium, semper saluis. Hos nichilominus qui se predictos ciues & subditos alienos recipere, contra presentis nostre legis dispositionem presumpserint, vel recipere in preterito presumpserunt, si eos omnino non dimiserint infra mensem post intimacionem presentium eis factam, centum marcas auri puri pro transgressionem huiusmodi, tocians

quociens deinceps factum fuerit, incurrere decernentes; quarum medietas Imperiali fisco nostro, reliqua vero dominis illorum qui recepti fuerint, irremissibiliter applicetur.

xvii] *De diffidationibus.*

EOs qui de cetero aduersus aliquos iustam diffidacionis causam se habere fingentes, ipsos in locis ubi domicilia non obtinent, aut ea communiter non inhabitant, intempestive diffidant, declaramus dampna quęcumque per incendia, spolia vel rapinas diffidatis ipsis, cum honore suo inferre non posse. Et quia patrocinari non debent alicui fraus & dolus, presenti constitutione imperpetuum valitura sancimus, diffidentes huiusmodi quibuscumque dominis aut personis cum quibus aliqui fuerunt in societate, familiaritate, vel honesta quavis amicitia conuersati, sic factas vel fiendas imposterum, non valere, nec licere pretextu diffidacionis cuiuslibet quempiam inuadi per incendia, spolia, vel rapinas: nisi diffidacio per tres dies naturales ipsi diffidando personam, vel in loco quo habitare consuevit, publice fuerit intimata, possitque de intimacione huiusmodi per testes ydoneos fieri plena fides. Quisquis secus quempiam diffidare vel inuadere modo premisso presumpserit, infamiam eo ipso incurrat, ac si nulla diffidacio facta esset: Quem etiam tanquā proditorem per quoscumque Iudices penis legalibus statuimus castigari.

Prohibemus etiam & dampnamus vniuersas & singulas guerras & lites iniustas: cuncta quoque iniusta incendia, spolia & rapinas, indebita & inconsumta thelonea & conductus & exactiones pro ipsis conductibus extorqueri consuetas, sub penis quibus sacre leges premissa & eorum quodlibet sanciant puniendos.

xviii] *Littera intimacionis.*

VObis • Illustri & Magnifico Principi. Dño • Mathioni Brandenburgñ. sacri Imperii Archicamerario, coelectori & amico nostro carissimo. Electioni Romanę Regis, que ex rationabilibus causis imminet facienda, presentibus inti-

Intimamus: vosque ex officii nostri debito ad electionem prefatam, rite vocamus: Quis a die tali, &c. infra tres menses continuo computandos, per vos, seu nuncios aut procuratores vestros, vnum vel plures, sufficiens mandatum habentes, ad locum debitum, iuxta formam sacrarum legum super hoc editarum, venire curetis, deliberaturi, tractaturi, & concordaturi cum aliis comprincipibus & coelectoribus vestris & nostris, de electione futuri Regis Roman in Imperatorem postmodum fauente Domino promouendi, in eodem mansuri vsque ad plenam confirmationem electionis huiusmodi, & al' facturi & processuri prout in sacris legibus super hoc deliberate editis inuenitur expressum: al' non obstant vestra seu vestrorum absencia, in premissis vna cum aliis comprincipibus & coelectoribus vestris, prout legum ipsarum sancit auctoritas, finaliter procedemus.

xi] *Forma procuratorii, mittendi per eum Principem Electorem qui nuncios suos ad electionem faciendam duxerit destinandos.*

NOs . . talis Dei gratia, &c. Sacri Imperii, &c. Notum facimus tenore presentium vniuersis, Quod cum electio Roman Regis ex rationabilibus causis imminet facienda, nos de honore & statu sacri Imperii sollicitudine debita intendere cupientes ne tam grauib' dispēdiis periculose subiaceat, de fide & circumspectionis industria dilectorum nobis & fidelium nostrorum obtinentes utiq; presumptionis indubie fiduciam singularem, ipsos & quemlibet eorum insolidum ita quod non sit melior condicio occupantis, sed quod p vnum inceptum fuerit, per alium finiri valeat & licite terminari, omni iure, modo, & forma, quibus melius & efficacius possumus seu valemus, nostros veros & legitimos procuratores & nuncios speciales, facimus, constituimus & ordinamus ad tractand' vbilibet vna cum aliis comprincipib' & coelectoribus nostris, tam ecclesiasticis quā secularib', & cū ipsis concordand' & cōcludend' de persona quacunq; habili & ydonea in Regē Roman eligenda, & ipsis tractatib' super electione talis persone habendis, p nobis loco & nomine nris, interessend,

tractandum & deliberandum, nec non vice & nomine nostris eandem personam nominandum, & in ipsam consensendum, ac etiam in regem Romanum promouendum, ad sacrum Imperium eligendum, ac in animam nostram prestandum quodcunque iuramentum necessarium, debitum & consuetum fuerit circa premissa & quodlibet premissorum, alium vel alios procuratores in solidum substituendum & reuocandum, & omnia & singula faciendum que in premissis & circa premissa, etiam usque ad consummacionem tractatum, nominacionis, deliberacionis & eleccionis huiusmodi de presenti faciente necessaria aut vtilia fuerint, seu etiam quomodolibet opportuna, etiam si premissa vel eorum quodlibet, mandatum exigant speciale, etiam si maiora vel magis singularia fuerint supradictis, & que nosmetipsi facere possemus, si huiusmodi tractatum, deliberacionis, nominacionis & eleccionis future negotiis presentes & personaliter adessemus: Gratum & ratum habentes & habere volentes, & nos perpetuo habituros firmiter promittentes, quicquid per antedictos procuratores seu nuncios nostros, nec non substitutos aut substituendos, ab ipsis seu eorum altero, in premissis seu premissorum quolibet, actum, gestum, seu factum fuerit, aut quomodolibet ordinatum.

x] *De vniuerso Principatum Electorum, & iurium
eis concessorum.*

Cum vniuersi & singuli Principatus quorum virtute seculares Principes Electores ius & vocem in electione Romanæ Regis in Cæsarem promouendi, obtinere noscuntur, cum iure huiusmodi, nec non officiis, dignitatibus & iuribus aliis, eis & cuilibet eorum annexis & dependentibus ab eisdem, adeo coniuncti & inseparabiliter sint initi, quod ius, vox, officium & dignitas, alia quoque iura ad quemlibet Principatum eorundem spectantia cadere non possint in alium præter illum qui Principatum ipsum cum terra, vasallagiis, feudis & dominio, ac eius pertinentiis vniuersis dinoscitur possidere, presenti edicto Imperiali perpetuo valituro sancimus, vnumquemque Principatum predictorum, cum iure

lure & voce electionis ac officio, ceterisque omnibus dignitatibus, iuribus & pertinentiis ad ipsum spectantibus, ita perseuerare & esse debere vnitus perpetuis temporibus indiuisibiliter & coniunctum, quod possessor Principatus cuiuslibet, etiam iuris, vocis, officii, dignitatis & pertinenciarum omnium ad illum spectantium, quiescere debeat & libera possessione gaudere, ac Princeps Elector ab omnibus reputari, ipseque, & nemo alius, per ceteros Principes Electores ad electionem & omnes actus alios pro sacri Imperii honore vel oportunitate gerendos, omni tempore assumi sine contradictione qualibet, & admitti, nec aliquid premisorum ab altero, cum sint & esse debeant inseparabilia, diuidi vel vltimo tempore debeat separari, aut in iudicio vel extra, diuisim repeti valeat, aut euinci, vel etiam per sententiam separari, nec aliquis vnus sine alio impetens audiatur. Quod si per errorem vel aliter auditus quis fuerit, aut processus, iudicium, sententia, vel aliquid huiusmodi contra presentem dispositionem nostram emanauerit, seu quomodolibet attemptari contigerit, hoc totum, & omnia ex hiis & quolibet eorum sequentia, eo ipso iuribus non subsistant.

xxi] *De ordine processionis inter Archiepiscopos.*

Quoniam autem superius in principio constitutionum nostrarum presentium circa ordinem Ecclesiasticorum Principum Electorum in consilio & in mensa, & alias quociens Imperialem Curiam celebrari, seu Principes Electores deinceps cum Imperatore vel Rege Romano congregari contigerit, sufficienter duximus providendum, super qua priscis audiuius temporibus pluries disceptatum: Expedire credimus etiam processionis & deambulationis inter eos ordinem diffinire. Quapropter hoc perpetuo Imperiali edicto decernimus, ut quocienscumque in congregatione Imperatoris vel Regis Romani & Principum predictorum, Imperator vel Rex ipso deambulante, insignia ante faciem suam portari contigerit, Archiepiscopus Treuerensis in directa diagonalia linea ante Imperatorem vel Regem transeat, illique soli medii inter eos ambulent quos Imperialia vel Regalia

continget insignia deportare. Dum autem Imperator vel Rex absq; insigniis eisdem inceslerit, extunc idem Archieps Imperatorem vel Regem prefato modo precedat, ita quod nemo penitus inter eos medius habeatur: Aliis duobus Archiepiscopis Electoribus, loca sua, iuxta distinctionem provinciarum suarum circa sessionem superius declaratā, eciam circa processionem perpetuo seruaturis.

xxii] *De ordine processionis Principum Electorum, & per quos insignia deportentur.*

AD declarandum autem in Imperatoris vel Regis Romanā deambulantis pñcia processionis ordinem Principum Electorum, de quo supra fecimus mencionem: Statuimus vt quotienscunque in celebratione Imperialis Curie, Principes Electores cum Imperatore vel Rege Roman in quibuscumque actibus vel solempnitatibus processionaliter ambulare contigerit, & Imperialia vel Regalia debuerint insignia deportari, Dux Saxonie Imperialem seu Regalem enssem deferens, Imperatorem seu Regem immediate precedat, & inter illum & Archiepiscopum Treueren medius habeatur: Comes vero Palatinus pònum Imperiale portans, a latere dextro: & Marchio Brandenburgū septum deferens, a sinistro latere ipsius Ducis Saxonie lineariter gradientur: Rex autem Boem Imperatorem seu Regem ipsum immediate, nullo interueniente, sequatur.

xxiii] *De benedictionibus Archiepiscoporum in presentia Imperatoris.*

QVociens insuper in Imperatoris vel Regis Roman presentia missarum solempnia celebrari, ac Moguntinē Treuerē & Colōn Archiepiscopos, vel duos ex eis, adesse contigerit in confessione que ante missam dici consuevit, ac in portetione Evangelii osculandi & Pace post Agnus Dei portanda, nec non & in benedictionibus post finita missarum solempnia, ac eciam ante mensam faciendis, & in gratiis post cibum acceptum agendis: Is inter eos ordo seruatur, prout de ipsorum consilio duximus ordinandum; quod

prima

prima die hec omnia & singula a primo, secunda die a secundo, tertia vero a tercio peragantur. Primum autem vel secundum seu tertium hoc calu. secundum quod prius vel posterius quilibet eorum consecratus existit, debere intelligi declaramus. Et ut se invicem honore condigno & decenti preueniant, & exemplum aliis prebeant invicem honorandis quem circa premissa ordo tetigerit, ad hec alterum conniunctura & caritatiua inclinacione inuitet, & tunc demum ad premissa procedat, seu quodlibet premissorum.

SI quis cum Principibus, Militibus, vel priuaris, seu quibuscumque personis plebeis etiam scelestam factionem, aut factionis ipsius inierit sacramentum vel dederit de nece venerabilium & illustrium nostrorum & sacri Romani Imperii tam ecclesiasticorum quam secularium Principum Electorum, seu alterius eorundem: Nam & ipsi pars corporis nostri sunt: Eadem enim seueritate voluntatem sceleris qua effectum puniri iura voluerunt: Ipse quidem, utpote maiestatis reus, gladio feriat, bonis eius omnibus fisco nostro additis: filii vero eius, quibus vitam Imperiali specialiter lenitate concedimus: paterno enim deberent perire supplicio, in quibus paterni, hoc est hereditarii criminis metuuntur exempla: a materna vel avita omnium etiam proximorum hereditate & successione habeantur alieni: Testamentis aliorum nichil capiant, sint perpetuo egentes & pauperes, infamia eos paterna semper comitetur, ad nullum vnquam honorem, nulla prorsus sacramenta perueniant: sint postremo tales, ut hiis perpetua egestate sordentibus sit & mors solaciium, & vita supplicium. Denique iubemus eos esse notabiles sine venia, qui pro talibus vnquam apud nos interuenire tem-

ptaueant. Ad filias sane ipsorum, quolibet numero fuerint, Falcidiam tantum ex bonis matris, siue testata siue intestata defecerit, volumus peruenire, ut habeant mediocre potius filie alimoniam quam integrum emolumentum aut nomen heredis allequantur. Micior enim circa eas debet esse sententia, quas pro infirmitate sexus, minus ausuras esse confidimus. Emancipationes quoque que a predictis siue in filiis post legem dumtaxat latam, siue in filiis fuerit collata, non valeat. Dotes, donationes quorumlibet, postremo item alienationes, quas ex eo tempore, qualibet fraude vel iure factas esse constiterit quò primum memorati de in eunda sanctione ac societate cogitauerint, nullius statuimus esse momenti. Vxores sane predictorum recuperata dote si in ea conditione fuerint, ut que a viris titulo donationis acceperunt, filiis debeant reseruare, tempore quo vsusfructus assumitur: Omnia ea fisco nostro se relicturas esse cognoscant que iuxta legem filiis debebantur: Falcidia etiam ex hiis rebus filiabus tantum, non etiam filiis deputeretur.

Id quod de predictis eorumque filiis quominus etiam de sceleratibus consiliis ac ministris, filiisque eorum, simili seueritate censemus. Sane si quis ex hiis in exordio inite factionis, studio vere laudis accensus, ipse prodiderit factionem, & premio a nobis & honore donabitur. Is vero qui vsus fuerit factione, si vel tēro, tamen incognita adhuc consiliorum archana patefecerit, absolucione tamen ac venia dignus habebitur. Statuimus insuper, ut si quid cōtra predictos Principes Electores ecclesiasticos vel seculares cōmissum dicatur, etiam post mortē rei id crimen instaurari possit. In hoc item crimine qd ad lesam in Principibus Electoribus suis maiestatem pertinet, etiam in caput domini, serui torquentur.

Volumus insuper & pñti Imperiali sancimus edito, ut etiam post mortem nocentium hoc crimen inchoari possit, & coniecto mortuo, memoria eius dampnetur, & bona eius successoribus eius eripiantur. Nā ex quo sceleratissimū quis cepit consilium, exinde quodammodo sua mente punitus est. Porro ex quo quis tale crimen contraxit, neque alienare neque manumittere eam posse, nec ei soluere iure debitorem decer-

decernimus. In hac causa in caput dñi seruos torqueri statui-
mus, id est ppter causam factionis dampnande contra Prin-
cipes Electores ecclesiasticos & seculares, vt premittitur. Et
si decesserit quis propter inleram personam successoris bo-
na feruentur, si in casu huiusmodi fuisse mortuus arguatur.

Si ceteros Principatus congruit in sua integritate seruari,
vt corroboretur iusticia, & subiecti fideles pace gaudeant &
quiete: multo magis magnifici Principatus, dominia, hono-
res, & iura Electorum Principum debent illesa seruari. Nam
vbi maius incumbit periculum, maius debet remedium ad-
hiberi, ne columpnis ruentibus, basis totius edificii collida-
tur. Decernimus igitur & hoc perpetuis temporibus valituro
sanclimus edicto, quod ex nunc in antea perpetuis futuris
temporibus insignes & magnifici Principatus, videlicet re-
gnum Boem, Comitatus Palatin Reni, Ducatus Saxonie, &
Marchionatus Brandenburg, terre districtus, homagia, va-
fallagia, & alia queuis ad ipsa spectantia, scindi, diuidi, seu qua-
uis condicione dimembrari non debeant, sed in sua perfecta
integritate perpetua maneant. Primogenitus. Primogenitus
filius succedat in eis, sibi que soli ius & dominium compe-
tat: nisi forsitan mente captus, fatuus, seu alterius famosi &
notabilis defectus existant, propter quem non deberet, seu
posset hominibus principari. In quo casu, inhibita sibi suc-
cessione, secundogenitum, si fuerit in ea progenie, seu alium
seniorem fratrem, vel consang. laicum, qui paterno spiritui in
descendenti recta linea proximior fuerit, volumus successu-
rum; qui tamen apud alios fratres & sorores se clementem &
pium exhibebit continuo, iuxta datam sibi a Deo gratiam &
iuxta suum beneplacitum & ipsius patrimonii facultates: di-
uisione, scissione, seu dimembracione Principatus & perti-
nenciarum eius sibi modis omnibus interdicta.

Die qua solempnis Curia Imperialis vel Regia fuerit cele-
branda, venient circa horã primam Principes Electores ec-
clesiastici & seculares ad domum habiracionis Imperial' siue
regalis: & ibi Imperator vel Rex omnibus insigniis Imperia-
libus induetur: & ascensis equis omnes vadat cum Imperato-
re vel Rege ad locum sessionis aptate, & illic quilibet eorum

in ordine & modo supra in lege de ordine processionis ipsorum Principum Electorum plenius diffinito. Portabit etiam Archicancellarius, in cuius Archicancellariatu hec sunt, super baculo argenteo omnia sigilla & typaria Imperialia sue Regalia. Seculares vero Principes Electores sceptrum, pomum, & enssem, secundum quod superius exprimitur, deportabunt. Portabuntur etiam immediate ante Archiepiscopum Treuerensem suo loco transeuntem, primo Aquisgranensem, secundo Mediolanensem corona, & hoc ante Imperatorem dumtaxat qui iam est Imperialibus infulis decoratus: quas gestabunt aliqui Principes inferiores, ad hoc per Imperatorem iuxta placitum deputandi. Imperator etiam vel Regina Romanorum suis augustalibus amicta insigniis, post Regem vel Imperatorem Romanorum & etiam post regem Boemum, qui Imperatorem immediate subsequitur, competentis spatii intervallo suis associata proceribus, suisque comitata virginibus, ad locum sessionis procedat.

xxv] *De officiis Principum Electorum in solemnibus Curis
Imperatorum vel Regum Romanorum.*

Statuimus ut quandocumque Imperator vel Rex Romanorum Solempnes curias suas celebrauerit, in quibus Principes Electores sua deservire seu exercere debent officia, subscriptus in hiis ordo servetur. Primo enim Imperatore vel Rege ipso in sede regia sue solio Imperiali sedente, Dux Saxonie agat officium suum hoc modo. Ponetur enim ante edificium sessionis Imperialis vel Regie aceruus avene, tante altitudinis quod pertingat usque ad pectus vel antelam equi: super quo sedebit ipse Dux, & habebit in manu baculum argenteum, & mensuram argenteam, que simul faciant in pondere duodecim marcas argenti: & sedens super equo, primo mensuram eandem de avena plenam accipiet, & famulo primitum venienti ministrabit eandem. Quo facto, figendo baculum in avenam, recedet, & vicemarecallus eius, puta de Papenheim, accedens: vel eo absente, Marecallus curie, ulterius avenam ipsam distribuet.

Ingresso vero Imperatore vel Rege ad mensam, Principes
Ele-

Electores Ecclesiastici, videlicet Archiepiscopi, stantes ante mensam cum ceteris prelatiis benedicent eandem, secundum ordinem qui circa hec eis in superioribus est prescriptus. Et benedictione completa, iidem Archiepiscopi omnes, si assunt; alioquin duo vel vnus, sigilla & typaria Imperialia siue Regalia a Cancellario Curie recipient: Eoque in cuius archicancellariatu curiam ipsam celebrari contingeret, in medio procedente, & aliis duobus ex alterutro latere sibi iunctis, sigilla & typaria ipsa, omnes quidem baculum in quo suspensa fuerint manibus contingentes ea portabunt & ante Imperatorem vel Regem reuerenter ponent in mensa. Imperator vero siue Rex, eadem ipsis statim restituet: & in cuius archicancellariatu hoc fuerit, vt prefertur, is maius sigillum collo appensum vsque ad finem mense gestabit, & deinceps donec ad hospitium suum perueniat ab Imperiali siue Regali curia equitandum. Baculus vero de quo premititur, esse debet argenteus, duodecim marcas argenti habens in pondere, cuius tam argenti quam precii partem terciam vnusquisque Archiepiscoporum ipsorum persoluet, & baculus ipse protinus vna cum sigillis & typariis debet cancellario Imperialis Curie assignari, in vsus suos beneplacitos conuertendus.

Postquam autem is quem ordo tetigerit portando sigillum maius ab Imperiali Curia ad hospitium suum redierit vt prefertur, statim sigillum ipsum per aliquem de suis familiaribus predicto Imperiali Curie cancellario remittere super equo, quem iuxta proprie dignitatis decenciam & amorem quem ad cancellarium Curie gesserit, ipsi Cancellario tenebitur elargiri.

Deinde Marchio Brandemburgensis Archicamerarius, accedat super equo habens argenteas pelues cum aqua in manibus, ponderis duodecim marcarum argenti, & pulchrū manutergium: & descendens ab equo dabit aquam Dño Imperatori vel Regi Romanū manibus abluendis.

Comes Palatinus Rheni intrabit similiter super equo, habens in manibus quattuor scutellas argenteas cibis impletas, quarum quelibet tres marcas habeat in statera: & descendens ab equo portabit, & ponet ante Imperatorem vel Regem in mensa.

Post hoc Rex Boem Archipincerna veniat similiter super equo, portans in manibus cuppam seu cissum argenteum, ponderis duodecim marcarum, coopertum, vino & aqua permixtum impletum: & descendens de equo, cissum ipsum Imperatori vel Regi Romanum porriget ad bibendum.

Sicut autem hactenus observatum fuisse comperimus, ita statuimus ut peractis per Principes Electores seculares predictis eorum officiis, ille de Falkenstein subcamerarius, equum & pelues Marchionis Brandenburgensis pro se recipiat.

Magister coquine de Nortemberg, equum & scutellas Comitum Palatinum.

Vicepincerna de Limpurg, equum & cissum Regis Boemie.

Vicemarescallus de Pappenheim, equum, baculum, & mensuram predictam Ducis Saxonum.

Si tamen ipsi in tali Imperiali seu Regali Curia presentes existant, & eorum quilibet in officio suo ministret: Si vero ipsi vel eorum aliqui a prefata curia se duxerint absentes, extunc Imperialis vel Regalis Curie cottidiani ministri, vice absentium, puta quilibet in loco eius absentis, cui in vocabulo seu officio communicat, sicut geret officium, sic tollat in premissis & fructum.

Imperialis in super mensa vel Regia, sic debet aptari, ut ultra alias aule tabulas, siue mensas, in altitudine sex pedum sit altius eleuata: in qua preter Imperatorem Romanum dumtaxat vel Regem, die sollempnis Curie, nemo penitus collocetur.

Sedes vero & mensa Imperis siue Regine, parabitur a latere in aula, ita quod ipsa mensa tribus pedibus Imperiali siue Regali mensa sit bassior, & totidem pedibus eminencior supra sedes Principum Electorum: qui Principes suas inter se in una eademque altitudine sedes habebunt & mensas.

Infra sessionem Imperialem mense pro septem Principibus Electoribus ecclesiasticis & secularibus preparetur, tres videlicet a dextris, & tres alie a sinistris, & septima directe versus faciem Imperatoris vel Regis, sicut superius in capitulo de sessionibus & ordine Principum Electorum per nos est clarius diffinitum: ita etiam quod nullus alius, cuiuscumque digni-

dignitatis vel status existat, sedeat inter ipsos, vel ad mensas eorum.

Non liceat autem alicui predictorum secularium Principum Electorum, peracto officii sui debito, se locare ad mensam sibi paratam, donec alicui suorum conprincipum Electorum, eius officium restat agendum: Si cum alijs eorū vel aliqui, ministerium suum expleuerint, ad preparatas sibi mensas transeant, & iuxta illas stando, expectent donec ceteri ministeria sua expleuerint supradicta, & tunc demum omēs & singuli pariter ad mensas sibi positas se locabunt.

Inuenimus etiam ex clarissimis relatibus & traditionibus antiquorum, illud a tempore cuius contrarii iam nō habetur memoria, per eos qui nos precesserunt feliciter, esse iugiter obseruatum, vt Regis Romanū futuri Imperatoris in ciuitate Frankford' celebraretur electio, & prima coronacio Aquisgrān, & in opido Nuremberg' prima sua regalis curia haberetur. Quapropter certis ex causis etiam futuris premissa seruari debere temporibus declaramus, nisi premissis omnibus, seu eorum alicui, impedimentum legitimum obuiaret.

Quandocunq; insuper aliquis Princeps Elector ecclesiasticus vel etiam secularis, iusto impedimento detentus, ad Imperialem curiam vocatus venire non volens, nuncium vel procuratorem cuiuscumq; dignitatis vel status transmiserit, missus ipse, licet loco mittentis iuxta datum sibi ab eo mandatum admitti debeat, in mensa tamen vel sede que illi qui ipm transmittit deputata fuerit, non sedebit.

Preterea cōsummatīs hiis que in Imperiali qualibet Curia siue Regali fuerint pro tempore disponēda, recipiet Magister Curie pro se totū edificium seu ligneum apparatū Imperialis siue Regie sessionis vbi sederit Imperator vel Rex Romanū cum Principibus Electoribus ad celebrandas solempnes curias vel feuda, sicut premititur, Principibus conferenda.

DEcernimus hoc Imperiali Edicto, vt Principes Electores ecclesiastici & seculares, dum feuda sua siue regalia ab

Imperatore vel Rege recipiunt, ad dandum vel faciendum aliquid nulli penitus sint astricti. Nam pecunia que tali pre-textu persoluitur officiatis debetur. Cum ergo ipsi Principes Electores cunctis Imperialis Curie presint officiis, suos etiam habentes in huiusmodi officiis substitutos, datos ad hoc a Romanis Principibus & dotatos, videretur absurdum quod substituti Officiales a suis superioribus quocumque quito colore exenna postularent: nisi forte ipsi Principes Electores sponte & liberaliter hiis aliquid largirentur.

Porro ceteri Principes Imperii, ecclesiastici vel seculares, dum predicto modo eorum aliquis feuda sua ab Imperatore Romano suscipit, vel a Rege, dabit Officialibus Imperialis siue Regalis Curie sexaginta marcas argenti, cum vno fertone: nisi eorum aliquis privilegio seu indulto Imperiali vel Regali, rueri se posset & probare se solum vel exemptum a talibus, aut etiam aliis quibuscumque que solui in suscepcione feudorum huiusmodi consueuissent. Predictarum insuper sexaginta trium marcarum & fertonis diuisionem faciet Magister Curie Imperialis siue Regalis hoc modo: Primo enim decem marcas pro semetipso reseruans, dabit Cancellario Imperialis siue Regalis Curie decem marcas; magistris, notariis, dictatoribus tres marcas, & sigillatori pro cera & pergameno vnum fertone: Ita videlicet quod Cancellarius & notarii Principi recipienti feudum non ad aliud quam ad dandum sibi testimonialem recepti feudi seu simplicis inuestiture litteram sint astricti,

Item dabit Magister Curie pincerne de Limpurg de prefata pecunia decem marcas, magistro coquine de Nortemberg x marcas, vicemare stalli de Pappenheim decem marcas, & camerario de Falkenstein decem marcas: tali tamen condicione, si ipsi & eorum quilibet in huiusmodi curiis sollempnibus pncialiter assunt in suis officiis ministrando. Si vero ipsi, vel aliqui eorum absentes fuerint, extunc offic' Imperialis siue Regalis Curie, qui talibus presunt officiis, eorum quorum suplent absenciam, singuli singulorum, sicut vicem nomenque & laborem sufferunt, sic lucrum & commoda reportabunt.

Dum

Dum autem Princeps aliquis equo vel alteri bestie indens feuda sua ab Imperatore vel Rege recipit, equus ille seu bestia, cuiuscumque speciei sit, debetur superiori marescallo, id est Duci Saxoni, si presens fuerit: alioquin illi de Pappenheim eius vicemarescallo: aut illo absente, Imperialis siue Regalis Curie marescallo.

Cum sacri Romani celsitudo Imperii diuersarum nationum, moribus, vita & ydeomate distinctarum, leges habeat & gubernacula moderari: Dignum est, & cunctorum sapientum iudicio censetur expediens, quod Electores Principes, ipsius Imperii columpne & latera, diuersorum ydeomatum & linguarum differentiis instruantur, ut plures intelligant & intelligantur a pluribus, qui plurimorum necessitatibus reuclandis Cesaree sublimitati assistunt, in partem sollicitudinis constituti. Quapropter statuimus, ut illustrium Principum, puta Regis Boemi, Comitis Palatini Rheni, Ducis Saxoni, & Marchionis Brandenburg Electorum filii vel heredes & successores, cum verisimiliter Theotonicum ydeoma sibi naturaliter inditum scire presumatur, & ab infanzia didicisse, incipiendo a septimo etatis sue anno in gramatica, Italica ac Slauiqua linguis instruantur. Ita quod infra quartumdecimum etatis annum existant in talibus iuxta datam sibi a Deo gratiam eruditi: cum illud non solum utile, ymmo ex causis premissis summe necessarium habeatur, eo quod ille lingue ut plurimum ad usum & necessitatem sacri Imperii frequentari sint solite, & in hiis plus ardua ipsius Imperii negocia ventilentur. Hunc autem proficiendi modum in premissis ponimus obseruandum, ut relinquatur opcioni parentum, in filios, si quos habuerint, seu proximos, quos in Principatibus sibi credunt verisimiliter successuros, ad loca dirigant, in quibus de huiusmodi possint lingvaggiis edoceri, vel in propriis domibus pedagogos instructores & pueros confocios in hiis peritos eis adiungant, quorum conuersatione pariter & doctrina in lingvvis ipsis valeant erudiri.



A *hic Palatini exemplum tenet est. a quo gressu Moguntina editio, anno 1575 vulgata, ab ipso in loco variat, visum est eandem scripturam hic annotare, cuiuslibet tamen in qua in Moguntina editio vel desit vel minus recte habent. Ut ergo pauci ea doctrina indicemus in quibus Moguntina editio nostro exemplari vel praeiit vel aliqua ex parte par est:*

Pag. 3, vers. 4, Mog. habet, in seipsam diuifum: & v. 12, in diuifione. v. 18, Troiam; v. 36, tentasti diuifione v. 19, Sane cum ex officio. P. 4, v. 5, M. in folio. 6, diademate decorati. 11, Imperii vero secundo: 20, antiqua & laudab.

P. 5, v. 5, M. dixerit: 8, potuerit. 7, modo precedent: 8, subscripta ipso facto poenae: 18, sunt omnino priuati: 20, eosdem ipso facto: 30, & communitates.

P. 6, v. 10, M. duxerint exigendum: 14, pro qualitate person. 20, ea vice dumtaxat.

P. 7, v. 7, M. noluerint, aut eis contraire, praesumpserint, & si quidem: 11, atque iure: & max, nifus fuerit: 15, in omnes poenae: 28, de Hohenloch & VVertheim, illi de Bruncke & Hanauet: 35, VV etzflar.

P. 8, v. 1, M. de Spanheim & de Feldentz: 1, Atchimarecalcum: 24, se valeant.

P. 9, v. 1, M. possint peruenire: 14, scriptum inuenitur clarus & expreissim: 25, iidem: 28, supra proxime posita: 32, equitibus.

P. 10, v. 4, M. fortasse: 9, cateat ea vice: 19, libertates, priuilegia, gratias: 20, banum quoque imp. 32, vel eorum nunciis.

P. 11, v. 13, M. sustulit: 20, supponant: 21, tota sua familia: 23, & Archiepisc.

P. 12, v. 1, M. precio seu promisso: 2, sic me Deus adiuet: 11, & nullatenus: 15, pars eorum maior.

P. 13, v. 6, M. omnes in genetet: 7, gratiose reabitur: 19, & inconvulsa Trinit.

P. 14, v. 8, M. ex opposito lineari directione: 10, Archicancellariatu suo: 15, collationibus feudorum: 24, celebrari: 27, sedere contingeret.

P. 15, v. 27, M. priuilegiu suorum continentiam: 30, marecallatus.

P. 16, v. 1, M. prouisor Imperii: 1, reditus: 8, Fahnlehen: 19, impetitus: 28, deinceps perpetuo celebrari: 34, praeminentie.

P. 17, v. 3, M. casu venire: 11, sincera concordia: 17, Regem Boemix, Comitens Pal. 23, Principibus Electoribus: 31, de-

fierint: 33, non existente: 36, hereditas masculinis legit.

P. 18, v. 3, M. paternam: 5, eorundem, iure: 7, Electorem, vel eius: 14, perpetuo haberi: quam dum attigerit, ius: 17, Principibus ipsorum, Imperio sacro vac. 18, Rex Romanorum: 21, Salus tamen semp.

P. 19, v. 2, consensit etiam M. sed consensit lectio est, diuturnitate temporum: & moribus vtiuntur praescripta, ut patet ex seq. pag. versus antepenultimos. V. 7, M. praeminentia: 10, potuerint: 11, debeant: 12, possint: 16, priuilegium vel indultum praefatum: 22, citatus compar. 27, processus seu sententias: 29, fieri vel promulgari continget: 31, processus seu sententias: 33, possint.

P. 20, v. 7, M. executione eorundem: 10, liceat ad quodcumque: 12, contingeret: 28, theplonia: 32, ad praesens.

P. 21, v. 7, M. & subiectarum eius, omni forma & modo: 28, inchoatum modis, & Mogunt. ed. agnoscit, & pag. 23, v. 5.

P. 22, v. 6, M. sicut in praxiteris: 14, citatio, processus: 16, sciend & ferend: 32, In defectu: 36, siue delegatum.

P. 23, v. 5, M. plenissime extendi: 26, qui quidem Prince. 27, a festo resurrex. 34, locus quo sequenti anno

P. 24, v. 3, M. frequentiam: 10, Reuocatoria priuilegiu: 13, praeminentia: 15, immunitatibus: 17, seu alias a nobis: 18, & Regibus: 20, Regibus finis temporibus concedenda: 26, praeminentia: 33, seu dominis quae superius exprimuntur dictorum Prin. 34, derogare vel obuiare censentur, in aliquo, quo ad hoc reuocamus: 36, intelligi, reputari & haberi volumus de Imperatoris plenitudine potestatis

P. 25, v. 6, M. facta renunciatione huiusmodi: 7, damna ipsis subseq. 19, facient: 27, viribus.

P. 26, v. 1, M. seu inter pers. 1, receptionis: 3, coniurationes: 7, cuiuscumque conditionis aut status: 11, fecerint: 12, ut per facias: 14, legis: 16, formasse: 20, ac legis nostrae antiquae: 31, ordinariae subiectionis: 34, aulo temerarij contemnentes.

P. 27, v. 5, M. Quoniam autem patrocina: 13, qui tali fraude: 16, continuo vero: & non fiste: 22, iuribus & lib. t. 23, praemissa Princip. 30, contingit vel continget.

P. 28, v. 3, M. applicatur: 5, aliquos in-

scriptum

sertam diffidationis causam: 8, damna quæcumque: 12, diffidationes huiusmodi: 21, & inuaderet: 27, theolonia, ut supra 20, 21: *perperam vtrubiq; pro telonia*: 35, iam imminet, faciehdam present.

P. 29, v. 10, *M.* plenam consummationem: 11, alias facturi: 14, coelestioribus nostris: 27, per vnum eorum inceptum: 34, concordandum, conueniendum & conclud.

P. 30, v. 1, *M.* debitum seu consuetum: 10, vniui.

P. 31, v. 20, *M.* viribus: 23, ordinationem: 24, vel alias: 30, hoc Imperiali edicto.

P. 32, v. 14, *M.* Imperatore seu Rege Rom. 22, linealiter: 33, nec non in benedict.

P. 33, v. 3, *M.* aut tertium: 7, ad hoc: 10, vacui in Palatino spatium est, ut hoc 3, nec Siquis maiori littera scriptum quam ceterorum paragraphorum initia. *M.* quinta editio, XXIII hoc caput statuit, & hinc et praescribit titulum, Infra scriptæ leges promulgatæ sunt in Curia Metensi, per Dñm Carolum Quartum Romanorum Imperatorem & Bohemiarum regem, augustum, anno Domini MCCCCLV, in die Natalis Christi, assistentibus sibi omnibus sacri Romani Imperii Electoribus, presentibus dominis, venerabili in Christo patre, Domino T. Episcopo Albanensi, sanctæ Romanæ Ecclesiæ Cardinali, ac Carolo Regis Franciæ primogenito, Normandiæ Duce illustri, ac Delfino Viennensi. V. 34, *M.* nullaque sacramenta.

P. 34, v. 5, *M.* consequantur: 8, fuerint collatz, non valeant: 11, ineunda factio: ne a foc. 15, absumuntur: 19, filiis cauiamus, etiam de satellitib. 25, absolutione tantum ac venia: 28, possit, *agnoscit etiam M.* cum structura ratio possit exigat, ut v. 32.

33, *M.* vt conuictio.

P. 35, v. 5, *M.* in causa huiusmodi: 6, ceteros Principes: 18, sed vt potius in sua perfecta integritate perpetua mancant, pri-

mogenitus filius succedat: 21, defectus existeret: 33, veniant: 34, Rex ipse omnib. 37, & ibi quilibet.

P. 36, v. 2, *M.* hæc fuerint: 12, Imperatrix: 18, Principum in solemn. 33, Vice-marescallus: 34, Marescallus.

P. 37, v. 32, *M.* aquam Imperatoris.

P. 38, v. 1, *M.* Post hæc: 2, vel ciphum: *radius scyphum*: 4, *M.* permixtim: 8, ipsorum officiis: 26, Imperatricis.

P. 39, v. 11, relationibus: 21, non valenz: 27, *paragraphus* Præterea Præterea consummata, in *Mog.* editione infra ponitur p. 41, v. 7, ante paragraphum Cum sacri. V. 33, in eadem ed. *Mog.* XXVI caput ponitur, cum hoc titulo, De Iuribus Officialium, dum Principes feuda sua ab Imperatore vel Rege Romanorum recipiunt.

P. 40, v. 1, *M.* dandum vel soluendum: 6, videtur: 8, encenia: aprius xenia: quo nomine Græci appellant dona hospitalia: 13, *M.* sexaginta tres marcas, ut mox v. 17: 16, *M.* feudorum consueuissent: 32, adfint: 33, officiales.

P. 41, v. 3, *M.* Marescallorum, v. 5 & 6: v. 4, affuerit: 14, releuandis: 16, Comitibus Palatini, Ducis Sax. 18, Theutonicum: 19, *M.* sciiri idioma: *melius Teutonicum*: 19, *M.* sciiri præsumatur: *melius* scire præsumantur: 21, *M.* Sclauica: 25, vsus & utilitatem: 27, possumus: 28, in filios etiam *M.* sed cum uenientium ut filios.

Scriptura originalis nostri vbiq; fere observata est: in quo passim c pro t vsurpatum in verbalibus, denominatiui & alii cuiusmodi, & q pro i possum, nulla q diphthongi adhibita. Distinctiones, quantum licuit, retenta sunt. Et vt hoc quoq; moniam, pag. 36, v. 2, post distinctio, in Moguntina editione hypodidacte pro puncto est, sequente p minusculo. P. 2, v. 9, cum ms. nostro & Mog. ed. repone, Comitibus Pal. vbi Mog. addit etiam Rheni.

